

**“Apabila kisah kes hysteria ini mula menjadi perhatian, berita penampilan makhluk halus turut merebak**

**Dr Mahyuddin**



HARIAN METRO (SETEMPO) 19 APR 2016 m/s 2

**HARIAN METRO**

## Kecelaruan berkaitan cuaca panas

**Kuantan:** Kejadian hysteria yang berlaku di sebuah sekolah di Kota Bharu, Kelantan, baru-baru ini mungkin ada kaitan dengan fenomena cuaca panas luar biasa atau El Nino yang melanda negara ketika ini.

Keadaan itu mengakibatkan perubahan hormon dan kecelaruan emosi kepada mangsa apabila mereka mula mengalami halusinasi apabila kesihatan mula terjejas seterusnya meningkatkan jumlah mangsa.

Pengarah Pusat Islam dan Pembangunan Manusia Universiti Malaysia Pahang (UMP) Dr Mahyuddin Ismail berkata, selain itu berita mengenai kejadian itu yang menjadi viral di media sosial, selain liputan dilakukan pihak media juga di-

lihat menyumbang kepada berlaku kes baru di sekolah itu.

Mahyuddin yang berperanan menghasilkan kit anti hysteria empat tahun lalu berkata, kes hysteria biasanya merebak dan berjangkit kepada mangsa lain selepas kes pertama dilaporkan.

“Kejadian ini sebenarnya dipengaruhi beberapa kemungkinan termasuk gangguan emosi yang tidak terkawal disebabkan musim panas yang memberi kesan kepada pelajar. Ada yang mungkin mengalami demam atau tidak sihat dan mula mengalami halusinasi.

“Apabila kisah kes hysteria ini mula menjadi perhatian,

berita penampilan makhluk halus turut merebak seterusnya mengakibatkan keadaan emosi tidak terkawal dan menjadikan pelajar di sekolah berhampiran,” katanya.

Katanya, jika mangsa disahkan dirasuk makhluk ghaib, rawatan hysteria perlu dilakukan dengan mengenal pasti punca masalah.

Bercerita mengenai pengalamannya menggunakan kit anti hysteria UMP, Mahyuddin berkata, ada beberapa prosedur perlu dikenal pasti.

“Kami akan memeriksa jika gangguan berasal dari lokasi masing-masing (dimana wabak kes hysteria di-

laporkan) atau tempat lain, dalam kes ini kami perlu memeriksa sekolah kerana mungkin ada pelajar sebelum ini menyertai aktiviti perkhemahan sebelum pulang ke sekolah, sebelum wabak hysteria ini menular.

“Adakahnya kami perlu mengambil kira kejadian terdahulu disebabkan pelajar bermain permainan boleh mengundang kedatangan roh atau makhluk ghaib ke sekolah seperti permainan duit syiling,” katanya.

Pada masa sama, pihaknya melakukan semakan jika ada pelajar yang mempunyai sejarah hysteria atau sering berkelakuan aneh sebelum pro-

ses rawatan dilakukan.

“UMP memulakan rawatan menggunakan kit (anti hysteria) selepas mengenal pasti punca kejadian dan kami biasanya menggunakan barang seperti penyepit, garam, kapur, cuka dan asid formik.

“Kami bersedia untuk memberi rawatan kepada pelajar yang terjejas akibat hysteria di Kota Bharu jika diperlukan,” katanya.

Dalam pada itu, beliau maklumkan UMP tidak menjual produk berkenaan kerana bimbang disalah guna, namun bersedia menawarkan perkhidmatan mereka kepada pihak yang memerlukan.